



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六五九

健修堂詩集二十二卷 空青館詞藁三卷 邊浴禮撰

一

蘿蘼亭遺詩四卷 喬松年撰

二四五

蘿蘼亭文鈔一卷 喬松年撰

三三一

龍壁山房詩草十七卷 王拯撰

三四一

龍壁山房文集八卷 王拯撰

四七三

心白日齋集六卷 尹耕雲撰

五八五

健修堂詩集

序

予前官大名刻晚香倡和集載邊君袖石詩皆少作也邊地甲辰君入翰林才益敏詩益工賢士大夫敦厲名節者多慕君相與過從酬倡君託意閒雅升沈枯菀未嘗撓諸懷抱視人世榮利趨進之途泊如也今天子登極膺大臣薦不次召對出典山左鄉試擢吏科給諫外簡河南歸德守升南汝光道是時楚北烽火縱橫君督師駐信陽扼直轅冥阨之險力抗賊氛軍書旁午數千言刻燭立就從不假手僚吏復於轄屬手縛巨盜克復光息二城四川遊勇糾眾犯關陽爲假道寶圖侵擾君據險邀擊殺百餘人餘眾駭竄予聞之喜君

健修堂詩集

序

之不負所學經濟膽畧有過人者又慮君勞勩太甚或以吏事廢吟詠移書叩之乃書來寄示篇什憂時感事慷慨淋漓駸駸乎決浣花之藩而摩其壘而君之詩又一變要惟其中自有不變者在君之詩所以足貴也今年春擬編訂全集書來請序予老矣風燭之年餘光無幾不能爲傳修期下馬書露布上馬橫大弮爲國家殺賊徒自悵悵君方如曹景宗耳後生風鼻尖出火勲名事業未能量其所至會昌一品之集梁溪百卷之文竊爲君鄭重期之第憾予之不及見也海內才士先後遊予幕中者推君及監利王比部柏心詩最工新君同登甲乙榜王避亂荆南久不得其書問天各一方不獲

出予言以相質。陞雨秋蒞之感。又曷能已乎。咸豐七年歲在丁巳春仲八十七歲病叟長洲陶樸序於京邸。

序二

邊君袖石與柏心先後入長洲侍郎陶公幕。陶公嘗語人曰。吾於燕楚得兩奇士。既而兩人並騰登進於朝。君獨用才名入踐石渠。由是納交恨晚。得盡讀所爲古今體詩。踰年柏心假歸。未幾粵賊起。東南大亂。烽火偪大河南北。君以其間出典試。擢給諫。襄帷持節。存躋藩翰。先是甲寅歲。君泣申陽。擬梓所著詩。寓書招柏心商榷。不果往。既貽梓本。徵序讀。既卒業。爲之述曰。詩之肇興盛矣哉。然其傑者代不數人。君其預

健修堂詩集

序

二

於此數者乎。挺生忼慨慷慨悲歌之地。天性亮直。受才俊拔。淹貫典藉。神解超悟。自束髮追中歲吟咏。未嘗一日輟其後。觸於朝野多虞。人才用舍。凡所以擴忠欵宣憤懣者。一於詩奇之。夫古有仕進而才退者矣。有愁苦易工。歡愉難好者矣。何君秩愈貴而治詩獨勤。且工也。豈非徘徊忠孝貞亮耿介之情。結於內不可得而變邪。榮枯得喪通衢顯晦之境。乘於外百折而不以易其心邪。世之爲詩者。殺於外以搖其內。非才有進退。乃心有移易故爾。君視榮遇若儻來。適適然不知其可喜。忽歌忽哭。惟導吾中所欲言者。無使理鬱故其高者抗霄漢。閎者包宙合。雄者撼山嶽。而淒清婉切者。若風雨夜鳴。

絲竹遞進也。較困約時每變益上。是非有他也。積於內者。日以深固。外至者莫能奪焉。名位彌崇。旨趣彌淡。纏綿骨月。振望林泉。始末不渝。初志以是知君之襟懷遠矣。雖他日身繫安危。顯名蓋天下。其淡泊猶之今日矣。冲情遠致。蕭然無與。謝太傅功高百辟。情在一邱。非其儔與。然則讀君之詩。推其胸次。殆未易量也。柏心老矣。將訪舊梁園。相與尋高李。吹臺以展契闊。顧念昔者並辱名賢契賞。君方以股肱夾輔。令聞流四國。出其餘事。猶足爲

健修堂詩集

序

三

昭代詩人之傑。柏心則孱然一禿翁。孤落無成。如往日也。以是停車久未發。序竟益默然。內愧云。時在咸豐辛酉夏六月。

序三

曩居京師。友人周敬甫。湯子厚。數稱今方伯袖石先生。并示所爲詩。相與吟誦。久之。旋出都門。不及過從也。後十餘年。客遊大梁。先生方以監司駐申陽。政績赫然。道里隔濶。中心益嚮往之。已而先生由按察擢任豫藩。位彌高。望彌重。羈窮白屋之士。又不得無因而接觀焉。矣。然先生不鄙譚陋。以禮羅幕下。乃得讀健修堂全詩。縱談古今。晰疑義。始知先生宏通淵粹。於書無所不窺。究天人之蘊。達治亂之源。別古人品。誼高下而深歎。夫知道之難。嗚呼。今世學者。爭以文字相誇尙。

不探聖賢至德要道之旨中無所養慮擾失措而藝亦因以不精此非不求道之過歟先生爲學務求其上凡近卑俗之見示普一涉於其心探頤索隱臨事貞固無回惑用能惠元元摧寇暴艱難搶攘之際不動聲色而施設皆宜由是形諸咏歌高遠沈厚其神湛然以清其氣夷然以和令人低徊袖釋而不能自己子建所謂儼乎若泰山勃乎若浮雲迺君子之作也敬甫爲詩恢張雄健子厚詩高潔有法度蓋皆肖其爲人先生則孕漢魏之華挾少陵王孟之奧精遠瞻逸無奇不臻要能自成其家然先生未嘗以詩自多亦不輕以示人庸耳俗目罕有通其意趣者卽昔年敬甫子厚述先生工詩

健修堂詩集

序

四

好古亦才及乎明體達用之詣豈非二十年來先生造道純篤由博而反約識量益廓德業益宏故人皆不及知耶然則僕之獲交先生雖後於敬甫子厚而所以知先生者未必不深於敬甫子厚也大興方駿謨

題詞

湘鄉曾國藩 蘇生

雕章琢句尋常事激烈心情絕可憐今日詞臣須頗牧古來豪士出幽燕楊家忠義存三疏孫相威名在九邊莫籍文章追往昔要憑肝膽報皇天

集中於鄉先賢楊公俱有詩

苦憶荊州王仲宣投簪浩蕩臥江天三年促膝從予坐四海低頭說子賢北李南何各壇坫青林黑塞與纏綿因君更觸停雲想望斷襄陽落照邊

首句譚監利王子壽也

仁和邵懿辰 位西

寒鐙坐窗把卷疑疑君不類世人詩白雲在天月在手超遙

健修堂詩集

題詞

一

千里龍駒馳十年作客燕南垂醉墨灑壁鴻淋漓憂時涕淚飲入腹茫茫春色登樓悲祗今身到蓬山上貧似車驅洛水時神仙中人不易爲玉山無禾鳳長飢燕鎖終須飛食肉莫羨紛紛昨暮兒

健修堂詩集目錄

卷一

詩一百五首

卷二

詩九十一首

卷三

詩七十四首

卷四

詩八十一首

卷五

健修堂詩集目錄

詩八十一首

卷六

詩七十四首

卷七

詩六十一首

卷八

詩八十首

卷九

詩八十七首

卷十

詩九十首

卷十一

詩八十五首

卷十二

詩七十六首

卷十三

詩一百一首

卷十四

詩八十二首

卷十五

健修堂詩集目錄

詩八十三首

卷十六

詩七十七首

卷十七

詩七十八首

卷十八

詩八十三首

卷十九

詩一百一十七首

卷二十

詩九十五首

卷二十一

詩八十一首

卷三十二

詩七十六首

健修堂詩集

目錄

三

健修堂詩集卷一

任邱邊浴禮袖石

巫山高

楚雲纏天千丈昏冷泉夜瀉雙淚痕瑤姬去國蛾黛顰鞭龍
笳鳳朝天門蘭茗含華滿山春碧莎縣麗鋪重茵猿啼鬼語
幽澗瀆神光終古常沈淪

吳宮古愁

春愁墮入吳王宮蘭房怨火凝幽紅西施骨冷餘一束鬼雨
灑天吹黑風畫廊十步屨聲度至今屨寂廊已空寶鏡沈輝
紫釵斷綠煙慘澹雙梧桐花乾井闌折長相思遠離別渺
渺香魂不可追蘇臺夜迸燐光熱

健修堂詩集

卷一

一

東飛伯勞歌二首

夢痕吹散空濛煙碧嬾弄姿窺豔眠雲嬌玉鞭扶不得珊枕
擁魂如血鮮花樓誰歌玉連環粉蝶胡蠶相嬾娜斑駁嘶斷
不歸來恨影無聲月中墮月中影墮難再逢伯勞背花飛向
東

伯勞東飛搖煖雲花絮絮亂千年春綺窗稀聞鶯鶯語玉白
密霏蘭麝塵來時無蹤去無跡香雪流光粉痕漬星蛾拚面
啼向天萬里湘波瀉空碧碧波瀉乾愁奈何曲房四更明月
多

補唐人禮星子詞

段成式諸臯記載上仙伯免青桐君作禮星子詞事
甚奇幻今不傳偶作補之

榆輝晶瑩撒珠顆萬丈金樞迸丹火培瓊刻五十二垣罡風
動搖五色旛霞妝娥宇髮委地參鉞鉞鉞擁妖孽貪狼哀號
天狗吠霧湧咸池積尸氣上清仙使芙蓉裳駕車縹緲凌空
翔赤蠅元豹相使侍雲芝方響聲琅琅綠章封事光如練天
眼流觀掣虹電人世昆明劫後塵茫茫終古何曾見兩昏翠
燭靈墳底雷電碎旬聞叩齒夢斷銀漢咽不流青蟲碎蝕琅
玕紙

健修堂詩集

卷一

二

君馬黃

君馬黃我馬驪並行大道旁六轡如風馳大道自云寬人心
生路歧君居在朱門我居在白屋同此居處情榮枯變何速
請看滄海波一朝作平陸哀哉阮嗣宗窮塗方慟哭

織錦詞

東風煖梳胡蝶翎曲房窈窕開雲屏玉人凭檻匿無力慵對
春機理春織流黃宛轉似儂心百結千絲不成匹啼紅怨碧
凝睡花愁根密簇湘蘭芽鸞梭罷擲散芳麝星靨漸頽嬌頰
斜合歡駕被裁成領千里貽君君不省瘦骨香桃雪藕腸嬌
媚吹作珠塵冷

夜雨曲

月合曲沼銀光空潛虬弄響波滴銅茶萸帳垂金屋裏花簾
接絲衾疊綺華燈九枝搖赤鯉風勢細寒吹不起美人作態
更佩璫金蟲碧鳳參差光似鑪小炷霏煖香院寂衍空春夜
長妖紅冶翠留蕭郎

青天碧海吟

曲門鎖春闌檻斜桃鬟髮精垂簷牙雙栖紫燕珠梁煖嬌魂
飛落天之涯青天碧海月初吐雌龍掀波威風舞湘濤蕩碎
萬餘縷輕颺香風掠沙浦浦中嬋娟正年少十二瑤臺聳危
峭珊瑚樹底幽光凝照見哀鸞夜相弔相弔時多相見稀桂

健修堂詩集

卷一

三

宮闈殿迷煙霏雷公不開玉女扉鵬絃五十聲微微紅霞曙
空長苦飢手弄明月騎龍歸

漢宮詞

蜚廉哭素月石鯨臥荒苔纓纓翔禽舟遲登通天臺翠眉與
蟬鬢一旦成塵埃咄嗟秋風客望眼空悲哀

思歸引

寒雲掃餘天色碧破煙老冤愁未夕欲落不落敗葉飛嗟嗟
秋土方思歸歸心飄蕩歧路長露氣襲衣凝白光游滯古水
迴野塘藕魂無依風冷涼

天上謠

雲根挂天白英英彩霓萬丈天橋橫仙之人兮馭氣行翠旂
孔蓋搖光晶或吹鵝管調鸞笙敲碎冷月飛瑤瓊青童揮手
呼錦鯨翩然命駕芙蓉城花樓堅坐談無生

古拜月詞

皚皚古時月徐徐行太虛太虛無纖塵一碧萬壘餘美人下
堦再拜前致詞郎君淹滯地嫦娥應見知知郎告妾知慰
妾長相思還將念郎意與妾遙傳致珂馬早歸來收妾千行
淚天高語難通月墮光朦朧妻妻青苔院習習生微風風吹
庭樹急地白霜華溼翠袖不禁寒徘徊片時立含情掩玉扉
滅燭下羅幃淒淒絕紗窗外秋螢來去飛

健修堂詩集

卷一

四

瑤瑟怨

美人撫瑤瑟一曲一淒然永夜人初寂秋空月正圓鸞鳳寄
幽思霜露感哀絃腸斷龍庭北征夫去隔年

牆上難爲楮

弱水可以航泰山可以陟獨有牆上難爲趨令人言之心慘
慄古來權勢地武安與魏其一朝禍機發在門賓客俱長辭
嫋嫋女蘿枝慣附松與柏松柏摧爲薪柔條亦零落楊相冰
山本易傾梁侯西第何堪託時來聘志作鷹鷂運去罹羅網
燕雀迺知丈夫貴自立依人末光究奚益

短歌行

健修堂詩集

白日西匿長河東歸昨日今朝轉瞬已非一彭鏗精修八百
年紀一旦委化何異殤子^{解二}麻姑得道幾閱滄桑場然窺鏡
兩鬢秋霜^{解三}黃金百鍊神丹九還服食空勤不能駐顏^{解四}大
海如杯青天如瓮箕斗虛名難裨實用^{解五}萬乘之貴奪於匹
夫吁嗟神龍乃逢豫且^{解六}公卿之子降爲徒隸黃犬東門潛
然隕涕^{解七}松柏後彫桃李貢媚逢時乏術見者不貴^{解八}朝飲
醇酒夕近婦人信陵已矣此意誰論^{解九}

昔昔鹽效齊梁體

良人馳玉塞賤妾閉金鋪夢裏情何極天涯信久無感時聞
語鵲弔影對啼蛩春陽穠李笑炎景深荷敷鴛枕秋涼早羅

健修堂詩集

卷一

五

幃曉月孤舞衣銷鳳彩珍簾捲龍鬚蓮妝塵鎖合桐樹淚流
枯屢誤刀鐔約虛陳織錦圖祇應悲薄命豈敢怨長塗願化
山頭石年年自望夫

悲歌

浮雲西南馳游子將何之霜風裂絺綌遊子未遑息水有魚
而不釣山有田而不耕耽彼遠遊喪其平生中宵聞雞拔劍
起舞瞻仰昊天淚下如雨

淮南王篇

淮南王好神仙守真服氣思延年廣招道士習方術黃金鍊
得高於山八公挾技遊王門左吳伍被何紛紛奚況平津武

安輦曳裾擁簪來如雲朝乘虹輿夕御鸞朝喜傳羽翮怒生
瘡疣五城三島十二樓騎龍馭氣同遨遊漢皇非常賜顏色
褒王功勳表王德一朝脫鳥上紫清鶴駕翩翩留不得空餘
小山叢桂樹枝葉連蜷壓清露

上之回

龍尾摩空虹拂地君王夜策回中騎後宮鸞帶過如雲草木
都霑蘭麝氣白狼酣歌朱鸞舞萬乘奔騰動雷鼓從官列炬
散朝歸露泣荷塘天未曙我聞漢家離宮三十六蕭相經營
興版築要令後嗣鑒憂勤非爲新皇娛耳目北冒頓南匈奴
邊城人血流成渠君王雄武意自如詔下渥水求龍駒甘泉

健修堂詩集

卷一

六

馳道新埽除手格虎豹批狼狽奉車霍子同鑒與韓嫣挾彈
充前驅所過輒勿出田租大酺天下樂且愉徒聞樂府傾城
曲不省金門諫獵書

班婕妤

妾貌本非妍君王錯愛憐羣辭春曉晚扇棄月圓圓長信多
霜雪昭陽奏管絃願言崇令德聖壽萬斯年

劉生

劉生饒意氣年少住咸京寶劍酬恩重黃金結客輕輪心惟
季布握手慕田橫一笑無輕薄虛傳灞上名

少年行

繡鬚臂鷹繚團花上馬袍橫行入朝列調笑向同曹世守餘
金券家風重寶刀穿錐奚足哂三十擁旌旄

洛陽道

廣術極康莊行行赴洛陽巖巖起宮闕肅穆集冠裳赤白探
丸盜青紅挾瑟倡朝眠兼夜飲分得內家香

紫驕馬

曉日明青瑣春風躍紫驕徐行好短轡顧影立長楸大漠塵
沙遠空山苜蓿秋神龍別有種誰向渥洼求

雨雪

一大長安雪銀沙擁地多巖深啼虎兕海東蟄龜鼉寒較堯

健修堂詩集

卷一

七

年甚雲迷漢磧詭瑤池酣宴罷黃竹有新歌

隴頭水

隴水去湯湯西風峻坂長千聲喧客耳九折似回腸飲馬驅
羸卒尋源逐老羌安西新拓地磨劍事邊防

關山月

明月三秋夜雄關百二重分輝映山海流影落屠廂久戍征
人老高樓別思濃玉門方轉戰萬里照傳烽

塞下曲

百戰降來地黃沙一望中清時惟坐鎮諸將漫論功縱博千
金注徵歌五尺童誰言邊塞苦今日染華風

梅花落

榮悴原無定，開花又落花。東風吹不斷，一夜失妍華。秀骨餘殘魄，芳心絕點瑕。不堪聞玉笛，哀怨滿天涯。

芳樹

中庭有琪樹，照影臨清池。但慕芳菲好，都忘搖落時。團圓樂，娥魄映在萼。露華滋歲晚，冰霜厲佳人。知未知。

前有樽酒行

前有一樽酒，欲飲還躊躇。人生百年間，鼎鼎同須臾。解蛾眉

色芳妍，翩翩擅歌舞。君王弗御玉，骨成灰土。二仗劍出門

去，四顧心茫茫。丈夫誓許國，何處非沙場。三芳蘭賤如蓬，日

健修堂詩集

卷一

不

受黃龍如嗟哉，市道交轉盼。卽行路，四鯨牙尚可拔。虎尾尙

可攀，太息斯人心難測。如深淵，五暫爲秋霜生。終作檻羊死

一開梁甫吟，淚下不能止。六解

古意

君行萬重山，妾夢千里道。庭前桃李花，焉得長美好。待君君不來，君來花已老。

仙人篇

我欲飛踏飄輪羽衣，翀舉朝真廟。廟出入玉宸，代騎白鳳斑。麟閣風上下，飄揚靈扉。羅忽開張，通明殿峙中央。龍顏高梧，燁煌侍女。穉齒韶顏，朱霞廣袖。爛爛電光，微笑粲然。貽我妙

藥九還坐，領圓嶠方壺。網軒麗殿，仙廬日玩五嶽璇圖。元言秘旨，清虛赤松。黃父爲鄰，陰陽無著。天親眼看碧海，揚塵長生久視千春。

過大悲菴懷開法上人

招提幽絕，傍郊坰新築精廬。拓碧檻逸韻，追傳花外。碧妙香濃，列案頭經石。壇鶴語秋蕭瑟，塔院松陰畫香冥。一自懶殘僧化去，竹窗某響有誰聽。

春晚閒居

殘夢正依依，吟窗夕照微。綠陰禽對語，金粉蝶雙飛。花送餘春老，涼催暮雨歸。勞生銷歲月，何計掩柴扉。

健修堂詩集

卷一

九

廢宅

蜩篆粘琴薦，蛛絲網畫叉。秋塵鋪席厚，寒日上墀斜。戶溫金蟾鎖，牆歆玉蝶花。向來遊賞地，無復舊繁華。

屏風曲

江南山色好，移入畫屏風。翡翠千花簇，琉璃四望通。天涯耶信遠，夢裏妾歡同。漏斷燈生暈，春寒繡帳空。

秋望

萬木立清秋，天光翠欲流。明霞一片影，飛渡海東頭。我欲呼黃鶴，凌風訪十洲。何人吹鐵笛，逸響激高樓。

寄楊蓮卿

注

君去山陰道歸來定幾時關河春色暮風雪片帆遲跡訪蘭亭古書探禹穴奇相期掇瑤草千里慰相思

題高簡畫山水

高簡畫山筆寒瘦古木栖鴉鬧晴書寺門僧擁破袈裟坐聽幽巖滴泉溜

臣里

臣里東家子盈盈正妙年喚嬈梳鬢邀姊門花鈿鏡裏眉痕偃燈前笑靨圓清歌渾未解偷撥琵琶絃

送韋蘭穆傳人之官楚中

韋髻詩句好沽上最知名送子之官去秋風萬里程騷魂招

健修堂詩集

卷一

十

屈賈殊俗問發荆世路方多難何時報政成

即目

草長黑蝶飛庭空白鴉立一陣晚風來老樹向人掛

遊稽古寺

祇園經閣倚屋屨鐸語簷牙怖鴿窺春去薺花黃滿地更無

人讀竹垞碑

捉搦歌四首

采金宜在巴邱麓掘劍宜在豐城獄波斯賈胡雙目頑破

鉛刀收滿屋

鼎鑄有耳鏡有鼻生子聰明天所忌穿錐將軍不識字剄土

封侯歷十世

瞿塘之波太行石此中險阻猶可識所親對面爲盜賊七首
堪胸長一尺

藏頭入項不得舉縮舌入喉不得語丈夫冥身無處所匹馬還山看射虎

秋胡行

桑葉翠如織斑鳩啼向人男兒輕薄性調笑路旁春黃金在君手白璧爲妾身千秋沂水上清絕不生塵

銅雀妓

君王渺何許秋色滿清漳朱絃自鳴咽甲帳極蒼涼恨逐梁

健修堂詩集

卷一

十一

塵墮思隨陵樹長亦知魂不返徒令情內傷

小遊仙詩五首

入瓊室接九琳堂新種天花散異香玉帝宣言金母笑萬靈

環佩答鏗鏘

自騎赤鯉自開行塵世驟驟萬目驚故友忽逢王子晉碧天

吹徹紫鸞笙

逸氣軒軒取紫氛凌風插脚破層雲盧敖仰首休相怪一笑

何曾認得君

元都東畔絳河西一道飛橋萬丈霓聞與羲和敲白口羣仙

爭拾碎玻瓈

石隙青泥十斛多懸流直下碧巖義便思盈手持相贈叔夜
其如命薄何

後遊仙詩三首

同踏飛梯上玉樓眼中擾擾盡蜉蝣如何一夕罡風大吹滿
蓬萊弱水洲

碧海波寒月上遲桂華一樹影萎蕤吳剛去後姮娥老不管
妖嬈亂折枝

瑤池繚繚隔飛霞論譎誰憐綠萼華聞說天門爭聚訟箇人
丹篆太整牙

俠客行

健修堂詩集

卷一

三

酒酣耳熱起悲歌寶劍光寒帶血磨生剗頭顱千百箇負心
人怪眼前多

送遠吟

覆水不可收遠別不可留窮冬天地閉大雪埋行轡臨歧走
相送淚作崩瀉流千刀割寸腸雙眉攢萬愁不憂道里長但
悲歲月道丈夫樹修名躡屣徧九州何苦羈下老局促同羸
囚天空有飛鴻海闊無潛虬喁喁兒女情君子以爲羞徑去
勿回顧結束雙吳鉤

晚眺

高岸懸危棧驚濤吼怒雷日斜羣鳥散風健一帆來蘆島望

健修堂詩集

難極天閭叫不開觀河無限感牢落寸心摧

訪水西莊故址

昔賢鶴詠地捨宅作禪關芳草綠無際夕陽相與閒危樓三
面水秀色一房山勝引知難續尋僧數往還

窮秋二首

窮秋木葉刁騷響漫與詩篇拉雜書懶共鄰翁爭塞馬偶思
良友寄雙魚蘭蕙盡憔悴經霜墮苔院淒涼況雨餘此後閒情
須解脫鏡中元髮不勝梳

冉冉流光去可驚擬攀西日挽長繩高軒誰過李昌谷破屋
空悲杜少陵好古每嗟生苦晚讀書深恐沒無稱西風敢門

健修堂詩集

卷一

三

吟驅健駟遺新寒入枕稜

過海光寺

野寺臨幽郭層樓切太虛地偏僧語澹秋冷磬聲疎古塔斜
陽外殘碑劫火餘憑誰搗築可卓錫話真如

春日呈心巢兄

月鐘霜柝響沈沈如雨簷花落夜深雄劍銷磨湖海氣青衫
憔悴弟兄心眼空天馬徠西極夢逐晨風息北林二十年華
如水過鬟餘零落泣枯琴

雜詠十四首

天地不改容吾生奄然畢悠悠百年中憂九樂居一已事修

成夢前途黑如漆願茲蟻輩擾擾爭得失孰是蒲柳姿能
齊金石質窮途日暮時念此生戰慄所賴至性人不作踰淮
橘

無鹽見西子豈彼工誨淫世主受其愚謂抱松柏心招之入
後宮如寵恐不深妖情汙白璧利口鑲黃金承恩不在貌矧
復遭陵侵精衛空悲號填海稱冤禽

狐裘毛毳影不及綈袍良入珍寡調變反遜餅酪香庸夫倭
外美爭效時世妝試之利害塗束手愁偃偃風刀刺肌膚悔
不謀蠶桑掘井不及泉何人思渴羌流俗苦浮沈君子蹈其
常

健修堂詩集

卷一

西

西方有聖人閔世抱憂戚願化磨羯魚長供衆生食智者笑
荒渺愚者涉疑惑我獨俯首言此舉世難覩茫茫婆羅界慘
慘尙銘刻但多真楊朱而無假墨翟生齒日繁滋誰能救飢
溺

幼讀樂府詞長安有狹斜比長驅車來九陌飛黃沙笙歌喧
北里羅綺豔東家妖童多似雲倡女顏如花豈不美遨遊但
抱憂生嗟浩浩東流波遙遙西日車

祥麟或遭獲神蛟且被罾氣餒穽中虎翅折糲上鷹韃靼轉
豪傑塞腹生痕瘕目短不見耳岑張空撫膺排雲貢琅玕翻
惹造物憎嗟嗟天聽高百呼不一應

商聲刷北林灝氣薄西極美人期不來觸目動悽惻中宵思
奮飛道梗風雨黑玉釵剖肝膽金鏡寫顏色自非糟東朱誰
招屈正則

心枯守空虛氣結叢憤懣戰秋風苦酸侵愁燈不煖危坐弄
青琴餘音冷然善不恨知音稀但恐朱絃斷欲攝嵇康魂傳
予廣陵散

美人無白頭英雄易黃土不聞死者悲但見生者苦我遊荒
寒郊幽林莽莽掛陰燐出高墳敗蘚繡殘礎迷空萬荊榛戰
夜一風雨市喧所不到精靈此焉聚會攜漆園吏來共觴醴
語

健修堂詩集

卷一

主

鍊骨如鍊鐵鍊心如鍊金賢人混濁世一陽消百陰衆亂我
不眩厥譁我則喑南山冬青樹終古鬱蕭森
蓬山與祖洲地隔滄浪遠真靈位業圖傳世亦夸誕苦辛求
大藥身勞雙足蹇可憐汎海者舟覆不能返

飲馬易水流驅車幽州郭白日淡亭臺長風習沙漠慶卿去
不還田光渺難作丈夫遇知己慷慨重然諾許人七尺驅贈
客千金囊有身不妨漆有目不妨瞞安能混恩怨守分甘寂
寞睥睨寶刀環悲來思一祈

浮雲散無礙明月不常好常儀歎孤栖桂樹亦枯槁嗟我同
心人遠隔長安道羅幃臥寒更南鴻迹如掃無書苦仲仲有

夢亦草草攬結知何時秋隨鬢絲老

秋林雙老烏慈愛天所稟營巢哺其雛兀兀形逐影身長羽
翮豐雲路奮思騁鳳凰不來儀在泮號飢鳴心憂虞羅傷翻
然還故枝林葉日以彫霜風日以淒去去謀稻梁况瘁摧肝
脾

板橋

板橋秋老柳都髡幽徑莓苔繡古痕一曲清溪連夜雨浪花
醫斷矮籬根

都門雜興四首

黯澹青衫偃蹇身楚蘭衰謝泣羈魂搔餘綠鬢秋將老揮盡
健修堂詩集 卷一 六

卷一

六

黃金酒不溫倦枕孤搭涼雨夜壞牆間覓舊題痕於期刻頰
荆軻死肝膽何人與細論

夾道垂楊映御溝雨絲煙縷弄輕柔葳蕤鑰啟千門鎖油壁
車迎四姓侯北里鳴箏翻豔曲西園飛蓋騁清遊榮華眼底
如流水難釋茫茫洗馬愁

觚稜金甍峙崔嵬萬里秋聲絕漠來佳氣蔥蘢朝鳳闕夕陽
空閣下龍堆防邊幾見廉頗將憂國虛傳賈誼才祇有子雲
甘寂寞草元閉戶獨徘徊

太液芙蓉墜曉霜一樽送客上河梁參辰間阻悲蘇李雜黍
稠繆感范張關接居庸山色紫路通涿鹿磧沙黃傷離吊古

兼懷遠目斷寥天雁幾行

又分詠懷古五題

黃金臺

昭王霸業久消沈曆室元英渺莫尋名將祇今無樂毅高臺
猶自說黃金

銅馬門

古城一帶斜陽裏剌門銅馬依稀是野棘黃蒿滿地生有誰
能記燕元璽

憫忠寺唐太宗瘞戰士處

文皇再伐高麗日振旅歸來萬骨枯古寺經壇荒蕪合燐光

健修堂詩集 卷一 七

卷一

七

冤魂夜相呼

遼后洗妝樓

妝樓百尺鬱岩巖豔粉殘脂洗未消惆悵景臣攜史筆一編
遺錄紀焚椒

明天下大師墓

燕子高飛上帝畿水門行通倍淒其西山萬壑千巖裏古墓
何人問大師

舟行登岸遊某氏小園有作二首

拾陸就方舟遵塗沂河廣夕波千里寒野色極蒼莽雲鴻初
矯翮草蟲乍流響風來商氣蕭霧斂月華朗漁唱出村墟蟹

火照菰蔣覽物滌冲襟娛情謝塵鞅稍曷羈旅憂倍榮滄洲
想西汜景易馳南圖翼思養跼踖採芳蓀停撓寄心賞

意行循古岸愛此園亭幽寧蘿陟陁峴詎憚道阻修蒙茸廣
庭陰灌木蟠龍虬草堂結構殊俯瞰涓涓流崇蘭媚朝露秀
菊凌寒秋主人出未歸清酌誰與酬懷哉忘機客可慕不可
求遐蹤南山豹樂意濠梁儻郊居待重賦歸髮尋丹邱

寄懷馬鶴船 壽齡八十韻

滄海飄零客燕臺汗漫遊思慮成一別冉冉似三秋願免盈
虧速犇駒節序道韶華馳傳指交際數從頭賦手慙邊讓奇
才遇馬周析津登甫釋槐市刺初投程雪門前立歸衣席側

健修堂詩集 卷一

七

握苔岑申夙契蘭臭定良儔豪氣陳陳驚座高名趙倚樓迎賓
施展齒發興匿車駒樂愛填篋聽才誇賦輟伴拋瓢方絮擘
問字濁醪筍坐久銅駝談談深銀鹿尤滑稽翻夷術趨捷門
枚鄒乍別真如渴臨行必苦留四聲時掉舌七畧快探喉各
吐輪囷氣爭期達到酬累棋排玉局躡甲注金銀鸚鵡豪揮
敏應麟手縛勁元包音訓衛分隸體編婁案拂然穢火窗明
繒罽油博嫌矜癯祭微忍鄙牛溲菰國長材擇文田樊憂接
世咸推庾鮑目倚短曹劉千鍊鋒偕洋虹霓彩不收蜚聲騰
鸞鷟開路騁驂騑瑯琊方亟瓊英價許扶搖看翻烟妻
菲敢呀咻玉宇高寒地銀河清淺流輅輪嘶嘶駟驎混琳

球瑁琛琛山榜蒙茸蘇季裘連番羅隱放一樣杜羔羞下走
還鄉急先生適館愁青雲沈渺弄白眼起喧歌詎料真名士

翻成一楚囚儀魯忘設醴勢絀等懸疣換主翊孤燕營巢拾
拙鳩襪褪入筱鳳凌窘挂枝猴歲杪伊人別亭臬木葉稠執
祛風裂面握手雪埋轡裝重拋藤笈車輕整蒯緱掉沙悲聚
散折柳唱啞嘔魂斷川梁闊腸回鐵石柔贈君千點淚添我
萬端憂相杵偏分白關弧竟卸張詩猶題畫壁夢竟阻羅幃

繇邈長安陌蒼茫弱水洲冰霜鴈雁羽冠劍劃鴻溝尺素迢
迢寄頽鱗六六郵開絨情殷軫感舊意綢繆散地欣安硯良
朋替運籌攬環歌抑塞對楊睡斯駒兀兀懷初展忡忡疾稍

健修堂詩集 卷一

九

廖更貽級佩草戲代釣詩鈞君以李雲生孝廉畫蘭見寄五月離兄至遙
將弱弟求潞河停大劑渾縣買行騶蓬首嗟乖在萍蹤肯還
適倉箱虛納粘齊趙滯歸舟吟沫魚粘轍傷翎雉觸學投林
仍憐惻汎梗暫夷猶令兄至通州以虧缺酒糧被記否繡仙
侶春明緩帶藉天魔評姬媼夷舞賞鞦韆濡楷朋簪盍占筵
夜拆揄輶摧泥滑澁牀漏雨聽聽綺語珠霏唾清談鼓應桴
依依附玃屨擾擾脫蜂蛸往事鴻餘爪問身鷹脫鞵炎風吹
颯颯沾水逝悠悠苦憶戴安道思爲王子猷蛛絲繁裏蟄
魄冷香篝縱有同倩過難醫積疾如爲肩勞想像龍尾臥螭
鰲敬獻巴渝曲聊當激楚謳衷虛纔集盆骨傲廣招飢努力